



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Placidus Abbas LVII.

[urn:nbn:de:hbz:466:1-64362](#)

PLACIDUS ABBAS LVII.

Placidus, cognomento Büchs, patriâ Müner-
stadianus ex Parocho Someracensi Abbas Mona-
sterii factus. a. 1672. altero regiminis anno 30. Apr.
solemniter inauguratus est. Oeconomiæ sedulam
operam nāvans debit is multis Monasterium libe-
ravit, magnâ insuper pecuniæ vi pro Bibliotheca
sacrâque suppellectile expensâ; Præclariora, quæ
animo jam conceperat, consilia Gallicus miles in-
turbavit à Rheno inferiore terris nostris immi-
nens, cuius adventantis rumor Placidum com-
pulit in tutiora se loca recipere, factâ etiam fa-
cultate religiosis, quem quisque securissimum
nōset, locum inquirendi. Profligatis subinde
Gallis pabulatoribus Cæfarei Abbatiaæ nostræ pagos,
duobus exceptis, expilârunt; Monasterio securi-
tatem suam magnis sumptibus redimente; ad
quod Placidus Cæsarianis ad Rhenum inferiorem
descendentibus 23. Septembris rediens exactissi-
mam servari disciplinam curavit, rei domesticæ
commodis parem operam nāvans, quam tamen
augere non admodum potuit ob nimias Cæsaria-
norū exactiones, queis unâ hyeme 16. plaustra
vini

vini dare cogebatur. Adversa hæc magno ani-
mo semper Placidus excipiebat, quibus frangi
adèò illius constantia non potuit, ut cùm iis ipsis
diebus, queis quinque tyrones advenerant,
tria horrea frumento plena funesto incendio
perirent, eos tamen contra plurimorum aliorum
sententiam retineret; ratus, non defuturam esse
Dei Clementiam speranti in se; neque sanè defuit
illa optimo Præfuli: quo enim pacto aliàs & hor-
rea ista recèns excitare, & omni ære alieno Mo-
nasterium liberare, & tam splendida Someraci &
Nordhemii ædificia exstruere valuisset? nisi divi-
na Providentia variis modis Placido opitulata fuis-
set, dando præcipue Petrum Philippum Epi-
scopum Wirceburgensem, qui Placidum in
literis ad eum frequentissimè datis suum nuncu-
pare Consiliarium, & illius Monasterii rebus pro-
desse omni modo solebat; Cœterum lecto diu-
tissimè sæpe affixus æquè multa pati debuit, at-
que agere firmâ valetudine potuit; donec tandem
annus 1691. Calendis Januarii patiendi vivendí-
que finem faceret, quo placidè exspiravit.

AUGUSTINUS ABBAS LVIII.

Dies 25. Januarii anni 1691. Augustinum co-
gnomento Voit Gerlocuriâ oriundum Placido

I 2

suffe-